

**Uunga siunnersuut: Aningaasanik nuussinerni paasissutissat ilanngullugit nassiunneqartussat pillugit Kalaallit Nunaannut Inatsit pillugu siunnersuummut Namminersorlutik Oqartussat oqaaseqaataannut Inatsisartut aalajangiiffigisassaattut siunnersuut.**

**Aningaasanik peqquserluutinik malunnarunnaarsaasarneq pinerliiniarnernillu aningaasalersuisarneq pillugu peqqussut Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut.**  
Inuussutissarsiornermut Nukissiuuteqarnermullu Naalakkersuisoq

### **Saqqummiussissut**

(Inuussutissarsiornermut Nukissiuuteqarnermullu Naalakkersuisoq)

### **Siullermeernera**

Aningaasanik nuussinermi paasissutissat ilanngullugit nassiunneqartussat pillugit Kalaallit Nunaannut inatsisissatut siunnersuummik aamma Malunnarunnaarsaaneq aamma naalliutsitsisarnermik aningaasaliisarneq akiorniarlugit pitsaaliuinermi iliuusissat pillugit Kalaallit Nunaanni atuutilerana pillugu peqqussutaanik Namminersorlutik Oqartussat akuersissuteqarnissaat pillugu Naalagaaffimmi oqartussaqaarfiit qinnuiginnissimapput.

Kalaallit Nunaanni malittarisassianik taakkuninnga piviusunnngortitsinissamut tunngavigisaq tassaavoq maannakkut aaqqiissutaasup atuukkunnaarsinnissaa pillugu aalajangiussinissamik EU Kommissionip isumaliutiginninneranik Europa-Kommissionip Erhvervsministereqarfimmut (Inuussutissarsiornermut Ministereqarfimmut) ilisimatitsisimanagera, tamatuma kingornatigut Danmarkip aamma Kalaallit Nunaata akornanni aningaasanik nuussinerit EU-p iluani nuussinert suliarineqarsinnaalissallutik.

Kommissionip nalunaarutiginninneranut tunngavigisaq tassaavoq aningaasanik nuussinermut peqqussut aamma malunnarunnaarsaaneq aamma naalliutsitsisarnermik aningaasaliisarneq akiorniarlugit pitsaaliuinermi iliuusissat pillugit inatsit Kalaallit Nunaannut suli atuutsinneqannginnera.

Taamaattumik Naalakkersuisut aalajangiiffigisassatut siunnersuutinik taakkuninnga marlunnik saqqummiussaqaarneranut tunngavigisatut Erhvervsministereqarfiup inatsilerinermut tunngasutut pilersitat aallartisarsimavai. Pineqartoq tassaavoq suliassaq piaartumik naammassineqartarialik. Piffissap ilaani Danmarkip aamma Kalaallit Nunaata

akornanni aningaasanik nuussinerni kinguartoornernik pinngortoqartinniarnagu  
Naalagaaffimmi oqartussa qarfiit ilisimatitsissutigisimavaa aningaasanik nuussinermut  
peqqussummi malittarisassiat Kalaallit Nunaannut kingusinnerpaamik ulloq 1. april 2019-  
imi atuutinneqalersimasariaqartut.

Taamatut oqaaseqarlunga aalajangiiffigisassatut siunnersuutit Inatsisartuni akuersaarlugit  
oqaluuserineqartussanngorlugit tunniuppakka.